

3 Rodrigo é armado cabaleiro

Rodrigo é o único fillo dunha familia nobre. Desde pequeno estivo ao servizo dun importante señor.

Rodrigo adestrará duramente durante anos para ser armado cabaleiro nunha cerimonia moi solemne.

Ao longo da súa vida estará ao servizo do seu señor, o cal posúe un castelo e un numeroso exército.

Rodrigo deberase comportar sempre con honra, a valentía e o honor que deben caracterizar sempre un cabaleiro.

A COMO SE PREPARA RODRIGO PARA SER CABALEIRO?

Aos seis anos de idade, Rodrigo deixou o pequeno castelo dos seus pais para se trasladar á gran fortaleza do marqués de Rocamora, que o preparou para o oficio das armas.

Primeiro foi un **paxe** e aprendeu a comportarse entre nobres e damas. Aos catorce anos foi **escudeiro**, levou o escudo do señor e comezou o duro adestramento deportivo e militar baixo a supervisión dun cabaleiro (padriño).

No caso de prepararse ben e se soubo mostrar os valores dun cabaleiro, aos vinte anos será investido nunha gran cerimonia.

A cerimonia de investidura

Chegou o momento en que o mozo Rodrigo se converta en cabaleiro. O día anterior tomou un baño ritual e pasou toda a noite en vela rezando.

Chegada a hora, presentábase perante o señor, vestido coas súas mellores galas. Seguidamente, o seu padriño poñíalle unha espada sobre o ombreiro ou daralle un golpe sobre a noca mentres se lle fai entrega do seu armamento: un escudo, unha cota de malla, unha espada, unha lanza, un helmo e unhas esporas.



Cerimonia de investidura, miniatura do século XII.

O EQUIPO DO CABALEIRO

O equipo era moi custoso. Para garantir que podían mantelo, os cabaleiros debían posuír máis de 150 hectáreas de terra.



Miniatura dun cabaleiro, século XII.

O ESCUDO DE ARMAS

Vestidos coas cotas de malla e os helmos, os cabaleiros eran moi difíciles de recoñecer. Por iso, cada un posuía un escudo que o identificaba polas súas cores e debuxos.



Observa e interpreta

- Que armamento formaba parte do equipo de cabaleiro?
- Que función tiñan cada unha das pezas? Cales eran defensivas e cales ofensivas?

B AS ACTIVIDADES DE CABALEIRO

A principal actividade dun cabaleiro consistía en prepararse para a guerra e o combate.

En tempo de paz debíase adestrar constantemente participando en xustas e torneos e tamén en **cazarías**.

O cabaleiro debía tratar as damas con moito respecto e amosarse humilde e fiel á súa amada. É o **amor cortés**.

A guerra

Os cabaleiros participaban nas **mesnadas** do seu señor, para defender o seu territorio, enfrontarse a outros nobres que eran rivais ou acudir á chamada do rei.

Miniatura que amosa o ataque a un castelo, século XV.



Os torneos e as xustas

Os **torneos** eran enfrontamentos con armas auténticas entre grupos de cabaleiros. As **xustas** consistían nun combate entre dous cabaleiros. A súa celebración era unha gran diversión no castelo.



No enfrontamento, un cabaleiro contabilizaba puntos cando lle tocaba ao adversario coa súa lanza no escudo ou os perdía se rompía a punta da súa lanza.

A máxima puntuación adquiríase desmontando o adversario do seu cabalo.

Miniatura que representa unha xusta, século XV.

O amor cortés

O amor cortés era a forma de cortexo nobre, sincera, idealizada e cabaleiresca, que foi cantada nas poesías dos trovadores.

O cabaleiro debíase comportar coa dama amada como o facía o vasallo co seu señor.



Escena de amor cortés nunha miniatura do século XIV.

Le e comprende

- Define: *investir, escudo, heráldica, defensivo e ofensivo*.
- Que era a cabalaría? Que función tiña na sociedade? Que virtudes debía ter un cabaleiro?

Observa e interpreta

- Que eran as xustas e os torneos? Quen participaba? Relata unha crónica imaxinando como se desenvolveu o torneo da imaxe.
- Que era o amor cortés? Como está representado na imaxe?

Ponte no seu lugar

- Imaxina que es Rodrigo e acabas de ser investido cabaleiro:
 - Que razóns te impulsaron a ser cabaleiro? Explica que adestramento seguiches para prepararte.
 - Explica como se desenvolveu a cerimonia na que fuches investido cabaleiro e como te tiveches que preparar para ela.
 - Debuxa un escudo de armas que te identifique en combates e torneos e xustifica que simbolismo lles outorgas aos elementos do teu escudo.

CUESTIÓN

1.- Qué armamento formaba parte do equipo de Cabaleiro :

2.-Qué función tiñan cada unha das pezas?Cales eran ofensivas e cales defensivas

pezas: numerar e indicar cales eran ofensivas cun ("O") e defensivas cun ("D")	Funcións
..1..	
..2..	
..3.	
..4.	
..5.	
..6.	
..7.	
..8.	

3.-Define :

..1..INVESTIR:	..4..DEFENSIVO:
..2..ESCUDO:	..5..OFENSIVO:
..3..HERÁLDICA:	

4.-Qué era a cabalaría?

.-qué función tiña na sociedade?:

.-Qué virtudes debía ter un cabaleiro?

5.-Qué eran ás XUSTAS e os TORNEOS? QUEN PARTICIPABA?

6.-qué era o AMOR CORTÉS?.Cómo está representado na IMAXE?

7.- Debuxa un ESCUDO DE ARMAS QUE TE IDENTIFIQUE NOS COMBATES E TORNEOS E XUSTIFICA QUÉ SIMBOLISMO LLES OUTORGAS AOS ELEMENTOS DO ESCUDO

ESCUDO:

ELEMENTOS E SIMBOLISMO:

